



1 4
1555
223

228



門 14
號 1555
卷 223

四十九年
十日

靜春堂詩集序

予讀今人詩不知其爲今人者唯

沒十餘年矣意者亦古矣而猶今也今斯人豈

世之爲詩者學古人欲其似出己意欲其新兩端而

然似者多蹈襲新者常崖異唯其似而非似也新而非

新也得之渾然又未知古人已孰先孰後也始可言

詩耳一者士去科舉之業慮無不詩北音傷於壯南

音失之浮書文大同宜極千古故今人于宋詩少所許

可僅取王半山以其逼唐也然半山詎肯及唐而止三

靜春堂詩集序

一知不足齋叢書

與宋次道選詩盡在目中矣至于中夜禪悟集句趁
古笳拍則不啻自其口出一大家數造詣迥別殆未可
以淺窺若唐人按六朝淺飽何必多遠挹西漢師
蘇李更不疑實致如此使如今人懸擬風雅不過跼蹐
言如韋孟自陳束哲補亡曾何係于刪後重輕哉聲
以時淺異感發在人則同每下愈況固不可心遠而
力不逮亦不可予于通甫既曰古之人豈必以半山枉
通甫譬諸登峯造極循循來逕尚于此乎見之也古人
所嘗有者皆有今人所當無者必無靈傑百出清婉明

麗抑所謂酷令人愛者非耶憶通甫與予交上下古今
一返諸性情之正予固望其鳴國家之盛橫經石洞歸
而不復出靜春堂手校萬卷築脩亭遂志焉屬其仲子
泰輯遺編託予序死者如可作也顧焉得如通甫者與
之評通甫名易姓袁氏吳郡人延祐庚申日南至高郵
龔壩序

選詩惟陶阮近古神思清曠意趣高遠興直寄焉耳魏
晉宋之閒廢興之事可感矣感極而悲寓之詩以寫其
懷詩不自知也况寓之酒乎或譏其流連光陰殫情花

章似矣而非也于載而下復有如二子之所遭者則知
二子之心者矣具區甫里之間有隱君子袁易通甫家
焉結廬構亭出蒼茫之外樵村漁舍混爲一區城市之
跡疎而麋鹿之性馴嗜慾之機淺而鷗鳥之情親所交
皆畸人逸士西鄰北里詩筒往來清江白月舉樽相屬
優游不仕者四十餘年余來中吳與其子泰仲長游而
隱君子沒久矣示予手澤一編伏而讀之體製精麗而
不雕音響和平而不激仰扳陶阮俯凌鮑謝而機軸自
成一家余恨不獲登靜春之堂相與上下其議論而流

風遺韻猶隱隱紙上可掬惜哉仲長敏學自修能世其
家云辛酉清明前三日書于成德堂牆東老叟陸文圭
閉門雪臥遠詠史風情留有詩三百篇令子手所哀汝
翁秀儒林殖學媿前修六經窮窳奧萬象工雕鏤廣矣
雅音正恹矣騷情幽照耀明月珠珍重珊瑚鈎一讀令
人喜再讀令人愁李杜骨已朽江河名同流憶昔託末
契東城得追遊平時少契闊暇日多倡酬櫟材自揣劣
藻思誰與儔老我歲冉冉霜鬢風颼颼索居破茅屋寒
擁敝貂裘夜來清夢飛故繞松江頭夢中不識路脩亭

渺悠悠粲然見梅花落月香影浮性情閱千古感發卒未休神交付冥冥知我雙白鷗通州錢重鼎敬題

余曩與通甫游時錢德鈞湯師言相率酬倡通甫每有所作諸公輒咨嗟歎賞以爲不可及自後余因作吏遂廢此事客錢唐時通甫嘗以二詩見寄適有簿書之役不克繼和至今猶歉然于懷再調江東歸吳則聞通甫已仙去每痛斯人之不可復作未嘗不爲潸然出涕也方通甫年少英發王色照人駿馬名姬輕裘側帽酒酣耳熱彈舌頓足作敕勒歌一何其豪壯也蓋將有以用

斯世而弗克遂厥志及歸隱于松江之濱築室治圃種花藝竹繞舍芙蕖數十畝雜植芡芰蓴菜于其閒茹美釣鮮絕不與塵事接扁其堂曰靜春聚書萬卷日與賓客講論經理商畧古今暇則具筆床茶竈扁舟五湖盡取乾坤清氣以充其詩余爲飢所驅不能相從于靜春堂上下其議論尤深以爲恨歿數年後其子仲長以遺藁示余且徵余言子方子敬已敘其端余何敢措一辭然竊以爲詩本原于性情之正當其遇物興懷因時感事形之于詩初何嘗拘拘然執筆學爲如此則似某人

如彼則似某人然後爲詩也哉蓋其所蓄既深上自三百篇以至魏晉唐宋諸家之詩莫不融會于胸中故其作爲篇章自有不期似而似之者耳雖然似特其形體一至于妙而化之之地又有超出于古人語意之表者未易識也余頗有志于此事然極力爲之不能工今通甫之詩錢梓以傳于世余將購求一集朝夕優柔涵咏之他日或考見余之詩曰頗似袁通甫則予詩進矣余自得靜春堂橐手之不忍時刻置仲長索至再輒書其後而歸之至治元年良月望郭麟孫謹書

靜春堂詩集者吳郡袁君通甫之所作也通甫有宅在郡城東南二十里蛟澤之濱蛟澤當吳淞江之下其水甚深魚鼈鰕蟹皆聚于此通甫爲圃于堤上圃之中作堂而居之名之曰靜春通甫日乘小舟往來于菰蒲叢薄之間飲酒放歌其樂無涯夫既遠去城市抗跡塵埃之表罕與人事相接又善爲文詞才思有餘則操觚弄翰篇章閒作有感于衷難嘿嘿而遂已朋友相過必再三強留盡歡乃聽去相得稍深經時不來輒爲書招之事見于集中次第可攷也昔陸龜蒙有宅在甫里距蛟

澤數舍而近龜蒙有詩名與皮日休偕和累數百首其傳至今人多能誦之龜蒙不仕日休位望稍著其詩之所以傳豈二人相挺爲輕重而致之耶其詩固有異耶通甫之出處爲人大都與龜蒙相類而通甫生于治世雖以文學補官未及受一命所與爲莫逆交如郡人郭祥卿高郵龔子敬皆知名于時在吳郡文士中三君子號爲領袖通甫卒年未五十二君子年位皆過此其名亦浸聞于朝廷序通甫之詩皆盛有所推許謂已不能及二君子者過爲謙詞求以愉悅于人然則通甫之詩

必傳于世無疑矣豈以區區之皮陸而有所不逮也哉通甫之子泰持其詩視余復徵余爲序故爲具論之云爾至治二年十一月四日浦城楊載謹序

仲宏所謂三君子者集游吳時畧遇郭祥卿而龔子敬官宣城不相見通甫固已去世久矣從其子得所爲詩讀之又見子敬所謂古人之所嘗有者皆有今人之所當無者必無蓋已得其風致于筆墨之間矣蜀郡虞集題

作者以學而爲詩匪直以詩而爲學大學授詩參舉亟

引詠歎淫泆使人興起于學故知來起予聖人許子夏子貢者詩與學一致也學者詩之根柢詩者學之英華培之深厚則其發也沛然緣英華可以探其根柢凡世之爲詩者疎淺窘滯迄莫能馳騁變化者政以學無源猶行潦爾若袁通甫其以學而爲詩者與通甫年志學卽與余友自宋亡科舉廢俛焉尋究源委篤於務本之學于六經四書則研訂訓詁而探索微旨于遷固諸史則視時與事而析其是非迨莊騷而下莫不旁貫通暢涵泳優柔邈而會六義之極者通甫之學也雖日與同

志求麗澤之益而通甫穎悟自得奔軼絕塵不可及矣故其爲詩經之以風雅頌緯之以賦比興法度森嚴旨趣高遠得馳騁變化之妙一時擅詩人能事矣中歲以才謫推擇爲邑校師適長精舍階是臚仕可郡文學矣未及一試從政之才而遭疾不起惜哉歿後數年中子仲長泰始哀其詩刻梓以傳余時官金陵弗及知暨旋里取而視之則散葉不少憶昔通甫無恙與余無三日不晤語否則走奚奴遞詩筒于是詩章樂府余得之最多至是授仲長數十篇而集始粗備屢徵序引故爲詳

述其詩學淵源所自九京有知亦必喜平生故人爲發
其幽潛耶時泰定甲子春三月望日湯彌昌序

靜春堂詩集卷一

吳郡袁 易通父

過泰伯廟

孤城下白日吳景射粉粹與客上河梁河水寒瀰瀰歸
然吳泰伯靈瑣闕其趾升堂闌無人白雲在廉陛淳風
暨南服妾婦知敬止禋祀何寂寥廟食不饒盞至德貴
辭讓于乘猶敝屣豈伊常人情 食形慍喜吾嘗閱僚
光同室操劔匕神孫且淪薄流俗重已矣伯也諒有靈
願言振頽靡元蹤企龍德懿化慕麟趾

遊靈巖

緒風散林薄洩霧開巖扁茲晨愜清穆曠懷延杳冥九
折度峻壁微行窮絕陁夫差昔戾止鏘鏘駐和鈴華旗
一以建續紛朝日靈花飄磴道白樹入端闈青吳娃煽
方處越甲蔽長垌千秋魂魄歸過沛涕亦零嗚呼重華
後格鬪何由寧秦宮委蔓草漢闕流寒螢惟應金仙
空山屹亭亭摩足燿八極象教垂千齡

酬湯師言崑山冬夜見寄

清昊懸白日靈景

此時星昴中賓餞由朔方夕

暝落草頭寒谷晦蒼蒼之子在天末江湖阻且長濟盈
恐濡軌欲往悲無梁風吹崑岡裂念子單火裳短札俄
社辱高情何慨慷一辭三致意再歌以章要我數日
期我懷增惋傷數日詎可玩百年在 皇焉能但耿耿
契關如參商

寄承天存書記

號此山

赤城巨蒼穹寶維仙聖宅上人釋門秀靈氣載營魄浮
杯渡三吳爰止雙蛾石白雲亦何心皓鶴時斂翮禪扁
清唄餘宴坐羣動寂斷跡 而後際洞徹天人曠我生遊

穀中憂患勤休惕北風過環堵落葉平地尺中宵念室
家歲晚凍餒迫鬢髮能幾何願 兒女白明當絕塵機
從師振金策

水仙花

八風吹長林急雪集聚竹飛仙從何來翩然竟空谷初
恍若驚 矧敢黷黃裳韞華藻素服立幽獨昔聞
身達流滄波振遐躅太白御鯨背靈均葬魚腹永傷骨
爲土緬想人如玉貞魂千秋後流落依草木吾將佩幽
芳采采不盈掬

過定慧院尋陳舜咨不見

城東古招提遺構何代作薜蘿施欄楯流塵翳丹牖炭
炭坵垣仆裊裊危柱弱舉頭瞻金像古屋蒼鼠落恭聞
西方教冥念貴恬漠班荆蔭雙樹蔽蒂亦可託邇來列
萬刹中天峙飛閣隆規競宏麗至道愈衰薄愛茲遺古
意每過必枉策故人志雲臥斯焉甘旅泊儒墨豈磷緇
寄食共藜藿踟躕不及見心期悵何邈白雲東北飛縹
緲帶皓鶴緬懷肥遁姿清風在寥廓

諸友約遊虎丘不及往

青和生言集卷一
原疇擁危阜，岡巒帶重闌。捫蘿稍曲折，身已躋嶙峋。逕
蟠太古石，崑崙百代雲。昔王侈厚葬，宏模難具陳。玉匣
闕，鳧脛珠襦被。龍文重險疲，卒伍三泉愁。鬼神雄圖乍
不滅，伯心寧有泯。遺基委勁越，餘孽開羸秦。金精既蕩
涵，劍氣亦沈湮。薄游羨良友，覽物酬芳春。龍收靈雨旦，
虎嘯清風晨。升高望八極，酒酣氣益振。俛仰視遺跡，飄
忽如埃塵。登臨勿重歎，茲歡信可珍。

遊蘇子美滄浪故園

吳穹積長陰，寒日光炯碎。虛徐少城隅，物色入遐睇。蘇

侯故臺沼蕪沒，今誰記。依依故址存，慘慘迴颺厲。谷傳
魑魅嘯，地失神靈衛。伊人百夫特，文采傾當世。立朝罹
罔羅，抱影投荒裔。阜淹天馬逸，藹困秋鷹鷲。空餘意氣
雄，摩盪山岳銳。生存且飄泊，身後何嗟異。下泉雖冥冥，
精爽不可闕。孤城千載歸，秋風九皋唳。

登開元寺閣觀浮海石佛

招提控城闌，飛閣峙千尺。白日轉芬楣，朱霞覆檐隙。升
高覽萬象，目眩潛動魄。天驚洪濤懸，地覺虛無闕。閣中
兩金像，奇姿斲山石。當年浮巨海波，汜來中國未聞積。

水厚能負萬鈞力
馨俗味元津
至人示靈蹟
區區拯世心
於道詎無益
危坐晚隋唐
浩劫一朝夕
檻前飛鳥逝
戶外流水疾
九衢冠蓋場
浮埃浩如積
車馬何時閒
丹梯展良覲

金鳳花

灌木振淒風
庶草泥零露
凜秋兆搖落
孤花表貞素
羅生古逕陰
迴立虛垣暮
芳粧五色明
幽藜九苞聚
弱植抱殊姿
高標秉脩譽
阿閣誰爲容
軒除自成趣
鳳德諒未衰
春榮亦何慕

寄錢德鈞時德鈞在錢唐

驥駉動長嘶
高鴻託孤影
丈夫四方志
焉能戀鄉井
憶昨行邁初
嚴裝在俄頃
決背雪壑明
矯睇雲路永
子行不我過
數日懷耿耿
曩與子成言
竊比韓與邴
清風塞寥廓
高誼破溟濤
明知忽遐遺
蒙谷誰子儆
嗣宗詩酒放
叔夜交遊屏
中襟憶晤言
夙慕發深省
載瞻吳洲月
遙矚孤山嶺
平生故舊心
丹青共光景

贈竹逕

青士抱奇節
名與高人齊
高人愛入骨
對之忘朝飢
千

蘇東坡詩集卷一
載嵇阮林往者六逸谿俗人欲逕造白日蒼雲迷今君
在城郭種竹下成蹊比鄰任來往不遣垂藩籬我自
家法此意人得知

梅隱院觀魚

窈窕轉微逕蕭森見祇園密林已亭午宿霧始高褰地
迴煩想滅景虛遐眺延陞階啟朱牖頰檻視清泉素鱗
散蘋藻文魴媚漪漣水光忽破碎繽紛鬢鬣翻無機蘊
至樂物微詎可捐伊余值良友追逐相聯翩觀化聊假
日達生終忘年匪慕惠施辨願承莊叟言

寄湯師言倩德鈞書數詩於末章及之

遠報平安如見君草生官舍不嫌貧山寒猿狖時相命
江闊蛟螭夜有神詩句祇添風土異酒杯莫放鬢毛新
欲知別後嵇康懶一紙書題亦倩人

寓西隱庵師言與唐月心相過分韻得然字

浪走黃塵祇自憐惠詢前約竟茫然偶棲蘭若耽幽趣
轉羨滄洲寄暮年草草詩篇書柿葉蕭蕭鬢髮亂茶煙
他時我醉君休去淨掃禪齋借榻眠

贈日者余竹深

吾宗昔日丹陽尹不問主人過竹所奮髯長嘯振林樾
滿谷笙簧翠蛟舞我生嗜好頗相似千古清風慚鼻祖
余君談天氣吐虹白眼看人坐箕踞吾嘗匹馬造堂階
隔牆過酒延我語知君旁舍竹如雲借問林園得窺否
君言我居安得此但有蓬蒿繞環堵竹林嵇阮太迫窄
辟世雖深觸憎怒要當胸中有千晦世人那得知其處
猗猗叢茝比君子維其似之美無度再歌淇澳爲君飲
醉倒猶能騎馬去

胡西軒道院竹石

靈石起微雲高竄嘯飛雨解襟散幽寂清心見琳宇道
人方燕坐碧鮮照巾屨客來但對面莊視不得語如觀
溫伯雪目擊破千慮清風何方來冷然入窗戶羣籟起
虛谷衆妙會靈府飄颻紫鳳鳴蕭瑟驪虬舞伊予墮塵
罔憧憧困馳騫神栖方外久夢繞雲臥屢永願繼壺公
終當效巢父

題陸義齋香遠亭

漢廣不可泳江永不可方遐觀貞女游矯若驚鴻翔茲
花亦如之曲池抱明妝絳袖冰雪質翠衣雲錦章褰裳

欲往從宛在水中央脩娉冶容滅閉都纖態昌倚楹回
眺久頰軒流睇長徘徊初月升厭浥零露灑漠漠遞幽
馥悠悠播微芳相彼亦何心因風爲飄揚

送湯師言赴杭

烜赫忠臣裔飛騰秀士英孝廉敦素履經術繼家聲邑
校爲官小儒風藉爾行禮還周六典人見魯諸生省署
交章上天衢闊步亨溟池鯤速化丹穴鳳長鳴夙昔論
襟誼殷勤結弟兄雲泥慚異趣膠漆動深情敢望追王
吉寧希薦禰衡湖山有奇句倘許寄柴荆

送潘鶴臞歸侍母

冉冉虞淵日迴光照我衣蕭蕭大隄馬送客長鳴嘶窮
冬霜雪繁陟岡行旅稀子何意浩蕩歸心如奮飛王粲
故鄉志江淹南浦悲丈夫各有適聚散焉可期子有白
頭親天寒守重闈蠟蚺懸牖戶知子行當歸舉觴慈顏
和升軒福履綏士生食萬鍾高堂色養違何如衡門下
菽水歡逶迤羨子敦懿義家聲良不虧閑居富詞藻札
翰時相貽

題東季博適安齋

蕭蕭虛檻暮冉冉飛雲入紛紛車馬塵悠悠詎能及憑
軒亦何有竹樹相蒙蔚雞鳴境逾廓鶴唳林更寂人生
貴是身夫豈不願適胡為悔吝端往往在衽席莊生歎
坐忘陶令嗟形役茲理信無昧非君諒誰識

送王沂父常州學正

豐草被長堤春波轉微綠江淹南浦情悠然在我目吾
鄉二三友交誼天倫篤爾來數睽阻旦旦歌伐木陸生
既高騫子亦展遐躅連遊陽羨區並泛荆溪曲是邦號
多士文風素云淑矧茲二賢教時雨新沾沐恭聞俗化

原其機系庠塾嗚呼季子風可祀今可復若子遲暮姿

冥栖滯窮谷縮一作索經味元義漫費百回讀寧希兼善

才實愧聞見一作見聞獨再瞻雙鳳翔高天引遐矚

贈崑山儒醫張生生攜洛陽耆英圖云圖中名壽

者某之始祖也

園公深谷隱巢父中林居生逢嘉運啟向拘曲士模豈
若洛中叟抱材知卷舒誠著金鉉職忠裨繡衮謨功成
遂投絨身退斯懸車清伊天地中化國日月徐相顧髮
皓白胥會情怡愉既應德星聚亦彰南極符一時聚冠

蓋于祀存畫圖老成則已矣典刑猶宛如張子有仍孫
韜名倉扁徒種杏白雲表蒔藥青山隅利物貴兼濟秉
心良不渝咸俾迨爾祖永膺眉壽俱

贈禽衍陸生

徵士士龍之子孫天馬爲胸氣深厚逸才致遠誰能羈
少年氣已干牛斗爾來狼狽一縵袍豪蕩肯居狐貉後
文豹深藏霧雨濛潛蛟終作風雷吼相羊塵市昔傾蓋
執雉定交歡握手燕坐談天試相語一作擊蛇掉尾還
應首衆人乃欲攘其踰無異醯雞喧甕缶獬冠蟬弁戲

推許鼠目麀頭慚老醜嗟予退處操如蚓分與窮猿擅
林藪蟲飛蝠伏各有時萬物行藏信非偶文章藻繪亦
安用畫虎不成徒類狗寧爲牧豬隱蒲博雖非待兔聊
株守豸衷無堪廁朝列鹿門政可安農晦君不見千秋
麟閣誚獼猴烏用丹青傳不朽

過長安堰

霜落天清木葉零我非王事亦宵征三更燈火魚龍動
千里星河鴈鷺鳴大舶低昂銜尾進扁舟來往一身輕
抱關恐有高人隱野客低頭愧送迎

杭州客棧開爐日作

袖長起舞未盡壺缺聽歌綠酒寒故國尊應歸日老
小春花在客中看江山信美終心折風月橫陳惜鬢殘
千古流傳王粲賦令人登覽動愁端

送湯師言番江書院山長

風土迢迢吳芮邑送君還憶舊羈栖芝山擁郭蒼龍臥
番水黏雲白鴈低遠道故應勞夢想一官那得限東西
野花芳草江南路千里秋風入馬蹄

久出還家梅花已謝

手攜長鏡斲蒼苔雜樹無多取次栽斟酌何郎才思減

梅花謝了却歸來

梅花謝了却歸來不見繁枝雪作堆桃李向來羞欲死

而今紅白滿園開

梅花謝了却歸來風裏殘英面旋迴我似穠俟遲見事

當時合築避風臺

和師言見寄

僕時在喪制中

千仞岡頭亦振衣塵中祇伴白駒馳功名到手終安用
憂患凌人竟大奇陶令田園松菊廢王良冢墓柏楊悲

新詩縱寫高情極得似相看減夢思

靜春堂詩集卷二

靜春堂詩集卷二

杭舟道中書懷四首

吳郡袁 易通父

涉世恒多故謀身轉益迂馬周聊逆旅阮籍豈窮途鷺
宿依船尾楓凋落酒壺遠行慘慄意對此不能無
白霧籠舟楫青山失畫圖往來迷只尺收斂忽斯須野
曠連飛鷲江清映浴鳥還將明媚色且復慰征途
堤柳欹招纜汀花笑入舟高歌鳧鷖起闊視水雲流牢
落江淹恨飄零庾信愁都將付尊酒短髮得禁秋

詩集卷二
憂患看飄瓦浮沈任轉蓬題詩霜葉赤對酒燭花紅
阮情何曠陶韋意未窮前賢負高興不必萬人同

重午客中雨三首

往恨湘纍遠他鄉楚俗同流傳存弔祭汨沒見英雄竹
葉於人綠榴花此日紅未須嗟旅泊吾道豈終窮
湖上溟溟雨和愁細似塵翠嵐沾玉塵清潤逼綸巾他
日看濃抹茲晨倣淺輦遂請山水意有爲苦畱人
令節殊方客虛樓暮雨時何心吟鑄鏡予髮欲成絲
昌歎誰浮玉芳醪且滿卮今朝羈旅思更用獨醒爲

寄一作懷吳中諸友

錢德鈞

風雨蕭齋裏雞鳴夜向晨簡編心力盡燈火鬢毛新
餘地知游刃何人解斲輪煩君毋割席漂轉暫埃塵

蕭子中

竝馬春風陌高歌夜雨牀遊遊前夢失漂泊此身忙
綠酒西湖色冰肌六月涼難招簿似戟來對玉成行

湯師言

卓行拘常調微官更數移君懷同弃屣吾道歎如絲
漢

落材高世飛騰命與時晚成梁棟器剝破十年遲

唐希賢月心一無月心二字

枉策招尋密高談謔浪俱他鄉懷楚奏何日攬桓須白
月垂文練青天落酒壺看君話心事餘子盡崎嶇

趙明仲

共話巴山雨曾題華步秋儒官雖寂寞公子足風流卽
擬同吳詠焉知效楚囚江南新作賦寄爾恐添愁

馮景說

之子華簪裔篋瓢祇晏如爲郎應駐輦延客愧無車早

託襟期合能容禮法疎一燈何日共料理讀殘書

和送春韻

浩歌擊折玉妃簪獨立東風思一襟桃萼帶雲歸洞口
柳花因雨老牆陰睡鄉化蝶三春夢客路聞鶉萬里心
猶有茂林觴詠處激湍不改晉時音

和月心韻

陋室僅容書滿榻高車遂訝席爲門溪山下地關心近
風雨翻江入夢喧一本繁烏鵲浪傳佳客喜龍蛇新見醉
題痕何時重對蕭蕭竹細影參差過酒樽

送趙明仲番江書院山長僕時自石洞書院歸

詩酒政欣同里社官遊那復共山川一朝捧檄雖云喜
千里擔簦祇自憐羨子飛騰端在此顧予來往獨翛然
番江官暇無餘事還許同一作來弄釣船

首夏村居雜興七絕

江花畱我澹相娛沙鳥親人狎易呼乘興舫船時獨往
置身塵網欲何須
穿徑幽篁破嫩苔
遶池漲綠潑新醅
鷺黃捎蝶驚還起
翠碧窺魚去復來

問舍求田計已遲江鄉別業漫委蛇
春鉏屬玉明人眼
祇比輞川無好詩

遲暮耽書愧斲輪
拋書聊憇夢中身
翛然一榻誰相過
祇有清風似故人

灣碕流水轉微瀾
隱見游鯈藻荇閒
濠上難窮千古意
柳陰聊得片時間

汎汎鷓鴣泚泚波
煙銷日出聽漁歌
江天物色無人共
城郭風塵柰我何

綠樹荆扉晚更幽
鱸魚菰菜近堪求
故人有興能尋我

但覓吳淞欲盡頭

八月一日雨後賦兼寄城中諸友

今我不樂思出遊宿酒昏昏仍嬾惰安得涼颺破煩鬱
竹頭搶地桐陰妥執扇那能脫腕揮紗巾不覺酣眠墮
誰喚飛雲起天末政用此時持贈我渴龍掉尾下飲江
列蟻爲右豐隆左蜿蜒初若彌六合變滅忽復成么麼
長空收暝淨千頃落日著山縣米筇白衣蒼狗覓虛無
孤鶩斷霞明細瑣人生萬事風雨散苦欲控搏無一可
嗟子學道良已晚閱世忘憂今亦頗西疇罷亞碧參差

南埭夫容紅婀娜聊尋清景旧追逐况復川原秋淡沲
故人城郭尙畱連何時共鼓吳淞柁

呈信州孟能靜總管

設官重郭牧宣化馳皇風師師漢百僚獨推黃與龔金
章映紫綬非材焉所蒙君侯上宰裔樹立何穹崇神駒
籥雲霧威鳳下倚桐昔在英妙日已謁明光宮髣髴拜
玉陛秀骨回重瞳帝併持一麾往哉懋汝功累考上治
最野闢蕃春農及茲三錫命厚恩零露濃上饒古名郡
攘攘庶物豐誅求入豪吏稅斂或缺供朱幡一戾止起

弊如轉蓬坐聞襦袴歌喧呼走兒童侯嘗過吳下五馬
聲龐龐吾友具朗鑿指侯廣坐中褚裒得孟嘉千載事
略同伊子慕清裁欲見嗟何從自憐七尺軀仰媿高飛
鴻

題錢德鈞水村圖子昂仲賓二公作竹石于後

無多茅屋滄波遶一半青山竹樹遮宛似吾鄉荒寂地
直疑割我白鷗沙
枝葉翛然長帶雨坡陀幽處欲飄雲故將竹石期貞士
二子風流最絕羣

題渡海羅漢像

錫飛日有天龍護杯渡能令海若趨肩肩往來應自笑
區區變幻欲何須

冬日感興併懷德鈞師言月心四首

日帶寒陰暝雲含雪意稠飢鳥啼欲下鳴鴈去安投物
態關心近年光入鬢流低頭頻覽鏡勲業付悠悠
散帙蟬魚走挑燈黠鼠窺溫尋經歲讀感激長年悲糟
粕求元理芝蘭藉故知三冬開萬卷須訪董生帷
短褐黃埃積高堂絳帳開東西成契闊歲月轉低徊青

稍還衰柳紅初注小梅城南有幽事興發可能來
之子數相顧談諧寫我憂每憐高詒激端向古人求玉
竿流泉酒青旗瞰水樓邀君興飛動已解鷓鴣裘

杭州長至日會戴帥初張仲實

貞元朝士今遺老南渡王孫不乏賢二妙聯翩今拱壁
一官流落尚無甌笑談政用迎陽復汲引懸知到日邊
揮翰玉堂如問我短蓑黃犢亂春煙

長歌彈鋏日爲年晝晷何堪一線添歸艇有時終入手
清尊對客漫掀髯雲陰欲落平垂地山色相親稍近簷

人散憑高聊發興半空樓閣雨纖纖

次日雪中再用前韻

歲晚弊裘慚久客雪中僵臥媿高賢強呼竹葉開金瑗
細看楊花糝白瓊列壑合春人未覺一江趨海勢無邊
若爲乘興尋安道半幅蒲帆破暮煙

故人要我久忘年我亦相逢意氣添欲喚娉婷歌白雪
恰驚點綴入蒼筤留連冰柱煩詩筆零亂天花落帽簷
待取明朝殘酒醒越山重看翠眉纖

正月十六日與德鈞子敬翼之洎兒子震遊東季

博山園賦詩五首

我愛山園好芳堂隱薜蘿野雲栖不去風葉掃還多暫
憇忘城郭長謠詠湖阿不嫌頻啟鑰重過意如何
我愛山園好幽篁積翠重會令栖彩鳳勿遣化蒼龍清
影參差久高標解逅逢未須猜徑造聊復效吾宗
我愛山園好峯巒絕垢氛石痕長漬雨洞穴細飄雲醉
臥移時醒晨遊送夕曛數椽吾擬卜半席可能分
我愛山園好清池漾細漣幽花欹半笑野鷺睡相聯每
醉容山簡因詩憶惠連更期春雨歇來對碧濺濺

我愛山園好兼懷地主賢興同招隱賦文繼補亡篇坐
納千峯秀無如一壑專斯遊偶不見欲去意悠然

病目廢書雨中獨臥偶賦

淡墨秋陰暗滿川高杉藁竹亂風煙淋浪稍覺天瓢寫
飛灑還驚瀑布懸病睫蒙籠妨遠眺閉身衰謝竟誰憐
祇應造物諳疎懶乞與蕭齋聽雨眠
遲暮耽書祇歎嗟更堪阿堵著昏花形容未怕參軍笑
方術徒煩坐客誇細帙暫拋塵爛熳青燈故照髮蒼華
衰慵自斷今如此知復何時究五車

村逕無人喧鳥雀衡門積雨散蓬蒿頻拈藥裹封題懶
獨據藜牀偃臥高幻翳一作迹本空終掃滅秋容新沐試
遊遨為憑湯熨相料理欲數青冥玉兔豪

湖上卽事多懷月心之辭六首

月轉山橫湖水明星河倒影玉壺冰故人天末難持寄
來倚高樓第四層

浙東山色渡江青眼底新詩向此成天盡雲低看鶻落
日斜風細待潮生

顧盼江湖左右分吳山飛過一作雨越山雲茲遊攬結風

煙秀獨自題詩轉憶君

卷地楊花作雪飛來時弄色尚依依不知華髮添青鏡
漫道緇塵染素衣

送罷東風身是客午窗半對紫玫瑰家山枕上分明見
何處濃香喚夢回

并腹芬芳萬卷餘劇談痛飲亦時須憐君獨抱詩箋註
頗憶城南舊酒徒

題扇

千古錢唐佳麗地名花一朵滿城春樊川已老何堪賦

蘇小雖亡更有人
飛燕驚鴻擬未真
飄飄直欲似行雲
入舟山色羞眉黛
隔岸榴花避舞裙
倚扇風流已絕羣
西湖小却欲飛雲
不知身是杭州客
一曲清歌帶酒聞

唾壺

同抱尊罍質蒙將沃盥俱敢論
才不器得近唾成珠弃
置枵然大提攜醉後須長歌
空擊缺半落壯心孤

登繁

鴈足形模小猶存漢制微
低懸花燼密故照鬢毛稀
豈忍捐墻角何須對燭圍
露螢乾死後歲晚澹相依

塵尾

王謝風流物翩然落手中
元談方壘壘奮擲莫忿忿拂
席青蠅避鄣塵白羽同空言
移晉鼎千載累清風

鐵如意

犀玉誇纖巧那堪緩急須
晶瑩同劔鏑玩弄避珊瑚
誰解麾戎壘徒能擊唾壺
持將擬諸葛碌碌笑狂夫

白海青

并序

尚方有賜江浙省臣柏海青者杭州人士美以歌詩
徵余同賦

渺渺東溟刷羽翰乍隨天馬萬人觀孤飛雪點青雲破
一擊秋生玉宇寬賜予豈將追雁鶩驅除直欲辨梟鸞
江南明月難同色夢想瑤階白露溥

寄孔退之

昔從茂苑觀爲政江動雲飛五月秋已識威名深屬望
相看談笑更風流才華祇解逢人說薄劣真慚與子遊
遙對青山憶風度幾回獨倚仲宣樓

靜春堂詩集卷二

靜春堂詩集卷三

吳郡袁 易通父

上張大學士

玉節飄飄拂錦韉
官袍猶帶御爐煙
承恩始覺詞臣貴
問俗爭迎使者先
近侍鳴珂依日月
南遊染翰動山川
更須一試調元手
爛熳為霖下九天

春日雪中

蕭齋聽寒雨
出戶霰已集
飛霰點砌銷
綠苔稍沾溼
紛紛漸填委
勢若包原隰
冥觀陰陽妙
欲張故先款
定知



陳夢下已有春風入

危坐苦愁思急雪鳴窗櫺碧筠助蕭瑟音響有餘清啾
啾寒雀聚肅肅高鴻驚撫物易興感濁醪時一傾獨酌
誰晤歌閒襟徒自盈

窮居散書帙閉門風雪中聖賢有遺意眇邈殆難通千
秋紙土塵欲論與誰同掩卷且復臥時聆響幽藁孤懷
偶便靜敢慕高人蹤

春日自城南歸會二友觀書人散後作

花柳垂垂放風煙淡淡晴路長閒信馬春淺未聞鶯心

與游絲遠興隨吹笛生欲攜尊酒去對取亂山傾

二仲能相過慚非蔣詡居塵毛頰落飯蠶葉亂翻書膠
合精神際珠生咳唾餘驪駒惜輕賦幽興晚蕭疎

春日遊廢園

種花移竹爲誰營過眼風煙祇暗驚試數舊題奇石少
尙論他日曲池平垂楊臥水儻儻舞細草侵階故故生
偶與春光共流轉綠尊對此竟須傾

和師言遊南園韻

竹裏亭臺納翠光席邊泉石坐仙鄉驚飛水鳥魚爭出

吹盡林花草自香誰把洞簫吟嶰谷似聽鄰笛在山陽
是日坐上有吹洞簫者

送蔡松江之饒州石洞書院

寂歷雙峯弦誦室遺書長共白雲肩絕憐皓首窺章句
不似青山見典刑隨牒非才心自媿同僚得子眼還醒
鱸堂曾有千人聽細講傳家舊石經

送樓山長之石洞交代

昔賢遺緒何寥闊欲振高風媿不能深喜君才逾十倍
豈徒吾事得交承錢唐傾蓋江潮動南浦揚帆曙色疑

行矣莫辭千里遠百年禮樂待人興

與師言客錢唐凡三月餘師言歸後作詩奉寄

燈花猶記別時紅為報君歸我亦東豈意黃塵迷瘦馬
尚淹青眼送飛鴻羣山積雪清相射千樹寒梅望欲空
何遜揚州才思減試煩妙語喚春風

送孔退之

笑談玉塵清風起丰骨冰壺雪片虛信宿暫疎情已惡
數州相望意何如江淹別恨蒼茫外阮籍窮途潦倒餘
目送故人猶作客明朝懷抱向誰舒

寒食日南山招飲馬膾醉爲馬墜

錢唐西湖天下奇寒食清明風日美山開綿繡身入畫
舟近絲簧春滿耳上人興發流俗表攜客看花古膾裏
委蛇微逕出荒蕪繚繞重巒當燕几遠尋桃萼失紅霞
稍覺風光在流水賞心尙及荅芳辰傾蓋何期遇知己
晉人禊事得同然介子高風嗟已矣山懸落日爲人歡
酒盡清尊遮客起墮馬長吟杜甫辭墜車今悟莊周旨
養生被戮幾自解以酒得全探妙理今我不樂復何爲
人生如斯良有幾鷺峯蒼翠尙招邀已分青鞵從此始

與南山伯祥會飲湖中暮歸書所見

絳袖維舟並清湖滿鏡愁日成千里近曲罷數峯畱寄
語煩青鳥知機避白鷗東鄰窺宋久解后亦風流
風塵天際客弦管道邊樓良夜若無月殊鄉應更愁精
深鍾子聽蕭灑遠公遊頗念羈栖否飛花點弊裘

自錢唐歸寄諸友

蒼崖環抱汀州口皋亭蜿蜒繚其後勢如奔馬赴平川
轡銜約住驚回首折旋起伏固多態跋涉往來看亦久
不煩山色笑相迎今日扁舟落吾手曠野蕭蕭殘雪淨

長堤活活春流走鳴櫓寧嫌亂鵝鵲挂帆似欲窮牛斗
颼風忽怒當夜分天畢定知爲月守從橫雨脚散書卷
彭湃波聲撼窗牖未須戲侮出惡劇已厭奔馳謝衰朽
錢唐雷滯春復秋千首高吟負花柳雕鐫擬效西子顰
刻畫寫墮無鹽醜角端羞與蠻觸伍胸次不妨雲夢九
秋豪得喪良可笑百歲風狂定何有已矣歸乘下澤車
悠然更寫新豐酒數尺白魚鬚欲奮三寸黃甘香半剖
爾來夢境過眼空愈識天公於我厚垂虹在望渺煙水
倦翼知還認林藪湯君文妙不加點唐子酒酣初撫缶

亦知晤語漸有涯遠來相就還能否若人折簡不可招
寄與篇詩換瓊玖

自杭還吳訪德鈞因畱論文過午歸途過竹閒道
院

城郭塵埃傍馬飛此中何地頓能奇蕭蕭殘雪鴉翻急
漠漠平田鷺下遲水帶冰漸流窸窣路隨籬落轉逶迤
直疑身在宣城畔野店山橋映酒旗

曉蹋雪泥寒未解暮歸沮洳稍沾裳已驚康樂春生筆
更伴彌明睡倚齋共話祇添眉睫喜相看莫問鬢毛蒼

從今來往城南道藜杖東風百草香

送屠存博去歲客杭一年多與存博游故詩意及之

百尺朱樓花照天十分金瓊酒如泉共聽風雪當今夕
却詔湖山記往年身世薄遊那可料鬢毛相顧各堪憐
慙無貧老風流趣苦欲淹留更繫船

邀師言過城南隱居不旬來已而雪作并寄姚子敬

歲云莫矣凍雨零南山密雲如環城閉門讀書華髮生

坐與歲月俱崢嶸哀鴻晝啼各相命吾亦求友紆吾情
街衢揚塵紛莫掃一笑相逢幾絕倒丈夫意氣膠在漆
白璧明珠詎為寶城南濁醪賤如土地僻藜梅繁似縞
割鮮那得效膏梁接讌聊將慰枯槁具區美菜菹半綠
大谷雪梨寒更好苦邀鞭轡不可回念子取別何草草
歸來懷抱為誰開奇事咄咄令人猜初驚竹樹聲撼撼
旋覺庭戶光皚皚飛絮散鹽兒女語雪車冰柱猶堪吟
惠連賦筆亦何事徒藉司馬煩鄒枚法當對此但飲酒
慎勿刻畫瓊與瑰明朝東風土膏釋百鳥喧啾破幽寂

杖藜禪榻煙繞鬢問柳灣碕春動色東郭履穿君莫歎
北海尊深我安惜一時會合猶少靳百年膠轄終何益
思君定卜晏子鄰書聲燈光夜穿壁焉能終日心拳拳
長倚城南望城北

題錢翼之所藏華岳山水圖

窗含遠嶺綿綿樹門對清江箇箇船此景吾廬朝暮有
畫中忽見絕堪憐

次師言月夜見寄韻

暮煙銷盡月東出明鏡團團飛上天欲向青冥窮遠目

不堪光彩照華顛金尊翠勺期何夕紫綺烏紗憶少年
詩句喚醒千古夢南樓風物故依然

春雨漫興

日日春陰祇欲眠強尋南陌復東阡猶殘碧樹花多少
莫惜金尊酒十千象管烏絲題往事玉簫錦瑟負華年
愁來祇對西山坐捲起疎簾翠接天
江上平蕪望欲迷江邊密雨細如絲冥冥白晝飛花急
漠漠青林度鳥遲春事又當三月莫人生那得百年期
誰能苦惜纏頭錦喚取嬌嬈舞柘枝

積雨厭厭愁斷腸暫時猶得見春陽頻來幽鳥當窗語
半落閒花度水香彩筆彫零詩漫興金杯搖蕩酒生光
悠悠心緒渾拋却付與遊絲共短長

和師言首夏雜興併用書懷

四月家家搏黍鳴東岡南埭半陰晴春兼落絮隨流水
風引遊絲入太清浮世時時塵事接荒郊日日暮山橫
能來相就同雞黍壠上何辭暫輟耕

柳花如雪填門巷不到先生絳帳深伏歷暫淹千里足
耽書閒寄百年心乍拋酒殘愁侵鬢忽枉詩篇興滿襟

祇欲籠將白鷺去看君醉墨寫來禽

百年未放鬢毛斑更復求誰似我頑山鬼吹燈風雨裏
漁人爭席水雲間采蘋聊出經南澗攀桂因畱賦小山
薄劣敢同高士起身如飛鳥倦知還

雨後寄陸小山

飛雨鳴簷似決渠高齋終日意何如但知書盡五車讀
那問家無擔石儲尙憶堂階曾繫馬近傳金竈欲生魚
解頤祇擬尋匡鼎滿腹窮愁得破除

閉門十日蕭蕭雨裹飯何人問子桑孤坐性便松桂冷

青石堂詩集卷三
高歌聲出薜蘿長忽貽短札愁仍破更讀新詩喜欲狂
安得從君共清嘯祗應容我據胡床

和小山雨中見寄

滑滑泥中啼野禽東阡南陌復霖霖入空漠漠連平楚
竟日冥冥失故岑仲蔚門前荒草合子真谷口亂雲深
栖遲不作干時計空蘊經綸一寸心

江水浮天接混茫無船可買繫籬傍欲窮七澤尋三楚
但見一雲連八荒絳帳高堂深莫到蒼崖遠樹鬱相望
訪君不待帆檣具河廣猶傳葦可航

和師言窮居卽事韻

城郭煙花裏屋廬蕭然誰識范萊蕪借居種竹憐君達
築室移山笑我愚坐久眼看烏几綻醉來頭向墨池濡
壯心縱復都銷盡未害狂歌擊唾壺

來詩有壯心觸事漸消磨之句

雨聲連夕亂鳴簷野色今朝稍入簾綠樹成圍黃鳥度
青天欲盡白波黏熊經嬾戲愁危坐鵲語無憑喜謾沾
若話浮名身外事畫蛇無足不須添

野水侵扉草滿坡蕭齋鐵硯久慵磨忽傳翡翠鯨魚句
驚見珊瑚碧樹柯深喜交情期管鮑敢將詩律鬪陰何

倩誰寫向高堂壁醉後長歌復短歌

再次前韻

浮生處處可為廬勝境非人地亦蕪笠澤昔因高士重
冉谿曾為放臣愚憐君燥吻哦詩苦笑我枯腸藉酒濡
若問神仙醉鄉近在尋圓嶠與方壺

醉裏花枝拂帽簷醒來花落鳥窺簾林園秉燭須行樂
日月煎膠可解黏夢鹿生涯身轉誤維魚歲事兆難占
長江安得成春酒痛飲杯乾自可添

北窗無夢到鑾坡寸墨寧堪盾鼻磨任性祇應同社樂

怡顏聊復盼庭柯琴從得趣無弦久酒可忘憂如病何
詩句麤疎君莫笑江湖付與竹枝歌

題畫四首

來禽

離離玉井露光溥移得精神畫裏看更待秋風紅顆爛
牆陰狼籍鳥銜殘

瓜

故侯一日身名隱翠蔓千年採摘頗為問金盤供錯落
何如秋圃臥輪囷

黃葵

憶昔戎葵花下飲金杯春濫綠鬟歌祇今花似金杯側
獨對西風詠折枝

杏花

擬賦春風碎錦枝含豪無句入支頤趙村當日花千樹
白傅風流大好詩

題錢仲昭家菊坡圖

紅紫紛紛總後塵千年陶令可相親不知坡上秋多少
展卷霜風欲拂人

仲昭居風憲故云

靜春堂詩集卷三

靜春堂詩集卷四

吳郡袁 易通父

新歲郊居卽事

白日無遺照青春入敝廬屠蘇慚後飲桃梗伴閑居荒
 僻逢迎少衰慵拜起徐占年聽雞卜吾得把犁鉏
 雲葉開清旭霜花散積陰稍欣迴凍蟄已覺變鳴禽物
 化爭流疾天機靜玩深東風漸相顧來往補疎林
 岸曠江皋久移筇野望新草傾將落日樹裏欲迴春暖
 曬隨陽羽晴翻在藻鱗自今還往數魚鳥亦相親

村居卽事

亭臬獨立看雲移併覺青山入杖藜
汀草路窮爭地出水禽日落向人啼
百年小隱身如寄萬象橫陳句懶題
驅使風光詩爛熳令人苦憶浣花溪

村北村南鳴水車直疑樹杪著浮槎
因居澤國憂農事強起江天管物華
當戶漫栽彭澤柳何田宜種邵平瓜
悠悠作計全疏嬾倒罷清尊又日斜

睡起西山翠作堆蜿蜒渾欲傍人來
政愁塵土無詩句已覺風煙撲酒杯
清景彌年供嘯傲浮生何事苦低徊

誰能共此悠然意冉冉斜陽白鳥迴

寄陸冶僊

寄語雲閒陸士龍近來談笑與誰同
圓機往往論千古濁酒時時判一中
聞道新居營水竹頗勝窮巷散蒿蓬
驅馳城郭還知否江水桃花昨夜風

和小山夏夜獨坐

密竹通風細新荷貼水圓
林塘涵倒影河漢轉高天
有興栖霞外無愁到酒邊
何煩百錢卜已悟小行年
屋角天河白尋源去匪遙
祇應廣寒闕共此可憐宵北

斗迴空闊清風起
沈寥騫槎何處覓
吾欲汎輕舸
膠漆存吾道
高情宿昔同
神交懷阮籍
夜飲憶元忠
兩地牛鳴近
何時馬首東
酒酣君勿去
待我浩歌終
臥石雲黏袖
乘舟月入篷
物華歸目睫
詩句愈頭風
有喜成三益
毋勞歎五窮
昔賢傾意氣
安用萬人同
漫浪鷗爲侶
行藏鶴退飛
秋侵蒲柳質
月滿薜蘿衣
零露濃如瀉
閒雲薄未歸
思君共揮塵
相對澹忘機
漏水催傳箭
繁星拱建杓
菰蒲終夜響
魴鱖傍人跳
篇什何多興
風光頗困嘲
胡牀談詠處
著我醉喧囂

夜久琴書冷
樓高枕簟清
微風過梧葉
故作雨來聲
濁酒悠然酌
新詩向此成
殘杯猶在手
鼻息已雷鳴
高臥北窗裏
無因夢益州
行吟風滿袖
醉舞月窺樓
倒載慚山簡
清歌無杜秋
遠遊須借問
何地可埋憂
浪跡供多病
牢愁伴獨醒
歌長聊自舞
詩好欲誰聽
老馬元西極
遊鷗且北溟
賴君時慰我
喜變髮星星

因公事留驛中遂登姑蘇臺晚望

古驛西風起
中含水國秋
官閒公
罽鳥下吏人
休移
簞微涼入
登臺晚興
留亂蟬當
檻急衆木
抱城稠天
迴

博蒼鷓山橫走翠虬虛無疑地盡突兀併雲浮絕景嗟
才窘微吟怯語適煙霏生變態鷗鷺傲冥搜初月清如
溼殘霞散不收似乘牛渚舫若在武昌樓娃館今荒草
吳宮祗廢止按圖非舊跡訪古莫深愁蘋浦漁歌斷楓
根鬼唱幽掠檐聞鶴警照席數螢流止舍慚昭子投亭
媿褚哀疏頑能稍稍漂轉付悠悠茲字閱人久伊誰似
我儔送窮翻一笑鬢短耐千憂世故從飄瓦浮生等置
郵三更星斗落萬事入搔頭

秋夜懷友二首

平生故舊誰知我潦倒襟期子畧同縱酒祇判千日醉
讀書少忍十年窮歲華晚晚欺霜鬢物色淒涼入井桐
未用相看歎搖落古來江漢有秋風
屋角闌干北斗垂誰家長笛夜深吹月流河漢天機急
秋到山川木葉知老去潘生聊漫賦向來宋玉不勝悲
四時代謝渾閒事有底窮愁入兩眉

和翼之秋懷

衡門無馬跡露草有蟲鳴樓上誰家女穿鍼聞笑聲胡
牀欹處穩長笛醉來橫此際得吾子掀髯紗帽傾

再和

千林羣鳥靜兩地一牛鳴月裏山河影風前鼓角聲川
原秋浩蕩雲物暮從橫此夕鷓鴣杓涓涓且細傾

贈周生

人生身幸一止足豫卜佳城也自賢甚欲與君論此事
祇今未辦買山錢

戲調月心

藥囊近說蛛絲繞酒戒兼聞翠袖開絳帳生徒何日了
秋花池閣喚人來

澹月微雲相與清思君詩句臥中庭誰謂西風不解意
牆根吹散讀書螢

南園花竹清如洗每到徘徊不擬還辨取拍浮三百斛
醉鄉堂上破除閒

南蕩東陂爛熳秋間君底事不來遊身如槁木書堆案
相伴蝨魚何日休

扣門載酒可容來懷抱相看得好開祇恐彭宣驚女樂
後堂絲竹一時迴

送府判常仲寬

魚鱗井邑古句吳地挂東南擁具區別乘向來猶半刺
連銜况復共分符雄藩剝劇勞參佐屬邑安居罷叫呼
去日翛然舊行李但添霜雪上髭須
凝神萬事優游裏文案如山不憚煩久淹朱紱從千騎
垂上青雲更貳藩祖道攀船歌宛轉秋風卷旆看飛翻
胸中歷歷知民瘼臺閣從容好細論

送趙顯之檢校

憲府昔淹從事衫攜書又問淞河帆湖山樓閣秋于仞
省闈文符日幾函稍糾掾曹疏冗劇時要賓客上嶄巖

蘭臺只恐催輶轉崖石今題是舊銜

挽陳徹堂

累世仍簪紱高名被縉紳貳車回步勇直館宿心親凋
落嗟前哲參陪阻後塵襄陽耆舊傳紀述付何人
高賢遂如此忽忽死生分竟失崑岡玉祗殘太華雲八
閒空作諫地下定修文不謂貞元老今爲馬鬣墳
黃壤千年墓瑤芝一夜霜病初傳稍稍身已去堂堂有
子翁堪暝知生我亦傷白頭流輩盡誰表鄭公鄉

陳仲淵別室

一桁珠簾護綺疏
數拳蒼石蔓寒蒲
汝南市上塵如霧
誰見仙人隱玉壺

粉垣密掩竹脩脩
時見清風舞翠虬
若訝此君嫌俗客
祇開三逕納羊求

冰壺玉盤燦炯炯
清泉墮石寒泠泠
羞將白髮三千丈
來對靈苗一寸青

方瞳綠髮照寒碧
冉冉雲氣生裳衣
不辭乞汝服食法
但恐石上龍蛇飛

琴中流水瀾翻落
畫裏秋山雜沓開
更欲移牀傍脩竹

臥看飢鶴啄莓苔

別南山上人

擾擾人閒萬事非
相從時得扣元機
林堂酒半月到席
竹院碁殘雲滿衣
浮世情緣雖已解
丈夫意氣忍輕違
費家池上沾巾處
此道今無古亦稀

折松爲麈論如流
落盡松花語未休
豈但近公如白雪
便應著我寄滄洲
粗疎頗慕嵇嵇康
嬾薄劣難追惠遠遊
它日重尋黃葉寺
碧雲吟罷不勝愁

獨坐懷黃子久

衡門處窮巷蓬蒿散空垣臥起但書帙往來寡車轅獨
謠誰與和風葉一騷然茅欄日可愛南窗明更暄蒼筠
送脩影忽作虬龍翻人生耳目娛豈在聲色閒欣然會
心處欲寫竟忘言

良友多隔闊邈若參與商衆中見快士蔚然江夏黃詞
章發華藻眉目宛清揚如瞻晨星輝熒熒吐寒芒相逢
車馬邊俗塵不可鄣欲申慷慨懷告別復忿忙具區藪
澤深高天雲路長願爲雙鴻鵠與子俱飛翔

郊居寓目隨事輒題得詩九首

雨洗萬象出暄和風日新鷗聲春命侶山色暮迎人
絕江捕寒魚赤鱗巨莫逃鯨鱗翻有神騰出如銀刀
雜英渾未吐弱柳不勝垂獨得春風意黃金撚作絲
罷釣坐磐石水清石粼粼鑑影見毛髮吾今非昔人
春風號樹穴達曙簫笳聲殘梅幾點雪猶復照人明
把酒清江上扁舟送夕暉行雲杯裏度白鳥鏡中飛
泱泱堰根水跳珠終日鳴班荆坐忘返中有激湍聲
乾鵲構危巢拾薪來往飛拮据有餘閒猶報行人歸
人生百憂集心役鬢毛斑煙雨江南岸春鉏爾許閒

和師言病中止酒見寄韻

憐君止酒嬰何疾猶復題詩枉故交三月青春看又破
數莖白髮若爲拋已鉏宿草畱微逕肯踏泥途過遠郊
喚取蛾眉開一醉鼓簧調暖玉笙瓢

題趙明仲鄱陽行橐後

新詩別後頓能奇筆勢翩翩直欲飛但怪衣巾清氣襲
盡持山郭白雲歸應劉淪落詞人少徐庾雕鐫雅道微
拂拭朱弦誰其聽似君高趣眼中稀

春日對雪卽事寄師言

落梅和雪作團飛鬪舞迴風不自持豈但燕鷺寒斂翼
頓令桃李淡無姿梁園賞罷須重賦水部題殘更有詩
料理物華煩妙筆喚回春色乞花枝

次月心見寄書懷

世故嬰我懷孰忍令人老解憂聊用酒人譏有何好君
詩出奇 珊瑚閒尋早宛如對長髯清談吾絕倒
藜牀膝穿穴臥起繙故書僮立困僮僕傳抄愁小胥兀
兀竟何事新婦閉一車敢慕陳元龍豪氣猶未除
今日風日好嘉辰 離羣小桃繁似火江水碧于雲我

獨坐
但聞松風號蕭爽如秋旻小齋有松

三月一日過南園報師言諸友

素李花繁不見天綠楊氣暖欲生煙飛泉漱坐清如玉
細草留人輒勝綿

數日春陰一日風海棠只擬向來紅南園昨暮渾成雪
猶賴相看是醉中

柳花吹破百花休及此百當秉燭遊辛苦虞卿綠底事
滿窗白日照窮愁

再用韻

崇桃積李照青天乳燕鳴鳩隔暖煙漫道遊絲高百尺
祇應春思更綿綿

落花池館鳥呼風狼藉薔薇半丈紅何處飛來雙燕子
與人相對寂寥中

清談難覓許文休款段聊追馬少游辦取拍浮三萬斛
莫令酒盡覺春愁

和師言殘興韻

登臨起長嗟煙樹依依減物華歲去祇添新白髮

春歸猶問續開花
嬾爲二頃求田計
悉送萬錢畱酒家
端官忘機同釣席
亂鷗如雪滿平沙
城東雲木翠相望
城裏飛塵自在忙
萬頃江波搖鴨綠
百壺春酒瀉鵝黃
野禽忽送尊前曲
水荇時飄鏡裏香
只少紅妝同綵勝
清溪白石聽鳴榔

靜春堂詩集卷四

故靜春先生袁君墓誌銘 并序

金華黃潛撰

吳之隱君子曰袁君諱易字通甫其先當宋初有起進士爲京朝官者曰仲賢始家于汴仲賢之後曰京西提刑珣于君爲五世祖南渡時卒葬于吳因家焉故今爲平江人曾大父曰璉樂其地衍沃買田築室長洲之蛟龍浦躬耕而食以布衣終大父曰之承節郎監廬州都稅務父曰樞國史實錄院檢閱文字皆仕而未顯至君復不樂仕進東平徐公持部使者節聞君名延見與

語大悅將薦之于朝君力謝不可徐公益賢之已而行

中書省署君石洞山長君乃欣 就職既歸卒隱弗

仕即所居西偏為堂曰靜春壑 池周于四隅池上

累石如山芟荷蒲葦竹梅松桂 香草之屬敷舒繚

繞而其外則左江右湖禽魚 煙波莽蒼間堂中

有書萬卷悉君手所校定客 臥劇談留

連竟日乃已君丰 砌每風止雨少 川以筆牀

茶竈古玩器自隨 遙容與叩舷而歌望之者識其為

世外人君少敏于學蘊積之素一發于詩未始高談性

命以師道自任至其在石洞推明雙峯之說上及于考

亭皆諸生昔所未聞莫不敬服焉君所為詩有靜春堂

集四卷龔氏子敬為之序謂近半山而漁陽鮮于公稱

其閑遠清麗稍加精密少陵不難到其為一時名人推

重如此吳興趙公嘗取汝南止 以記漢司徒袁公

臥雪事寫為圖以遺君且曰子 此圖正以通甫好修

之士使之景慕其高節爾則君 八品固不問可知君

母趙氏濮安懿王八世孫女妻奚氏子男四人長曰震

次日泰次日晉皆張出次日驄陳出泰以文學克世其

家女五人長許適金大聲未行而卒次適顧天麟仲振
孫顧正許德明孫男三人女三人俱幼君卒以大德十
年十一月二十六日得壽四十有五其年十二月二十
四日葬長洲東吳鄉赭墩先墓之次後二十有八年是
爲元統二年君之子震已卒泰及至 如伐石以狀來
謁文爲銘其銘曰居之熙熙行之施施世非我遺我有
不爲寤言歌之其聲也希昭昭其垂表以刻辭

